

臺灣文獻史料叢刊

第一輯

(9)

臺 漳 泉

州 州

府 府

志 志

選 選

紀 錄 錄

(合訂本)

灣

通

臺灣大通書局印行



21113001123916

臺灣文獻叢刊第一二〇種

臺灣通紀

陳衍

弁言

清代纂修的福建通志有三個本子。第一個是郝玉麟等修謝道承等纂的，刊於乾隆二年，凡七十八卷、首五卷。第二個是沈廷芳修吳嗣富纂的，刊於乾隆三十三年，凡九十二卷、首四卷。第三個是道光九年孫爾準等修陳壽祺纂、十五年程祖洛等續修魏敬中重纂的，刊於同治十年，凡二百七十八卷、首六卷、附一卷。我們曾把最後這部福建通志裏臺灣府的部分以及和臺灣研究有關的資料抄出來，略加整理，稱做「福建通志臺灣府」，列爲臺灣文獻叢刊第八四種。

民國初期，福建又修了一部通志，凡六百卷，是陳衍纂輯的，刊於民國十一年。可惜全書沒有刊竣，現在看得到的共有三百一十多卷。這部通志的第一部分是福建通紀，起周顯王三十五年、迄清宣統三年，計二十卷；臺灣的史事也包括在裏面。我們就又把這一部分抄出來，稱做「臺灣通紀」，起明神宗萬曆元年、迄清德宗光緒二十一年，分爲四卷。

這部「臺灣通紀」，不僅把割讓前的臺灣史事按照年月作有系統的記載，還把每一條記載所根據的原書注明在下面，對於臺灣史的研究是很有用處的。（百吉）

docsriver 文川网
入驻商家 古籍书城

在文川网搜索古籍书城 获取更多电子书

臺灣通紀目錄

卷一	起明神宗萬曆元年迄清世祖順治十八年	(一)
卷二	起清聖祖康熙元年迄世宗雍正十三年	(五七)
卷三	起清高宗乾隆元年迄穆宗同治十三年	(二五)
卷四	起清德宗光緒元年迄二十一年	(一九)

臺灣通紀卷一

明神宗萬曆元年（一五七三）：初，俞大猷移鎮福建福、興、泉、漳、延、建、邵武、福寧並浙江金、溫地方。方議攻賊澎湖，忽有新倭自漳、泉趨福寧，大猷遣兵追之；將及，副將鄧之屏促向澎湖，新倭猝入烽火寨，殺把總去（名山藏俞大猷傳）。

八年（一五八〇）九月，日本犯浙江韭山及福建澎湖東湧（明史）。

三十二年（一六〇四）七月，福建人李錦、潘秀、郭震久居大泥，與和蘭人習。其會麻章郎欲通貢市，錦爲畫策，奪澎湖嶼而守之；因賄高窠，使上請於天子。會善之，錦乃爲大泥國王書移窠及守將，俾秀、震齎以來。守將陶拱聖大駭，白當事，繫秀於獄；震不敢入。而會已駕三大艘直抵澎湖，伐木築舍，爲久居計。錦亦潛入漳州偵探，當事亦繫之獄。已乃令三人諭其會還國，將校詹獻忠持檄與俱。獻忠多攜幣帛食物，覬會厚酬。錦等又依違其詞，會不肯去。窠已遣人索賄三萬金，許爲代奏。會都司沈有容自請往諭。有容負膽智，大聲論說。其下人露刃相詰，有容盛氣與辯，無所懼。會心折，乃曰：「我從不聞此言」。時巡撫徐學聚嚴禁奸民下海，犯者必誅；接濟路窮，會無所得食，卽索取所予窠金，揚帆去。錦等皆伏罪（明紀）。

四十七年（一六一九）四月，漳州府奸民李新僧號「洪武」，結海寇袁八老等率兵

黨千餘人流劫焚燬，勢甚猖獗。巡撫王士昌檄副將紀元憲、沈有容等領兵討平之（通鑑綱目三編）。

熹宗天啓五年（一六二五）九月，海賊劉香寇福建（明史）。

七年（一六二七）六月，海寇鄭芝龍等犯福建銅山、中左所等處（明史紀事本末）。

懷宗崇禎元年（一六二八）正月，工科給事顏繼祖劾福建總兵俞咨臯下獄。初，巡撫朱欽相招撫海寇楊六、楊七等；鄭芝龍求返內地，楊六給其金，不爲通，遂流劫海上。繼祖上言：『海盜鄭芝龍生長於泉，聚徒數萬，劫富施貧，民不畏官而畏盜。總兵俞咨臯招撫之議，實飽賊囊。舊撫朱欽相聽其收海盜楊六、楊七以爲用，而咨臯招之海卽置之海，今日受撫，明日爲寇。昨歲中左所之變，楊六、楊七杳然無踪，咨臯始縮舌無辭，故閩帥不可不去也』。疏入，逮咨臯下於理（明史紀事本末）。

三月，禁漳、泉人販海。芝龍掠福建、浙江海上（明史紀事本末）。

七月，兵部議招海盜鄭芝龍。九月，芝龍降於巡撫熊文燦。工科給事顏繼祖言『芝龍既降，當責其報效』。從之。初，俞咨臯招楊六、楊七降，獨芝龍猖獗如故。芝龍敗都司洪先春，釋不追；獲一游擊，不殺；咨臯戰敗，縱之走。當事知其可撫，遣使諭之。癸未，芝龍降。會朝命布政使熊文燦爲巡撫，文燦善遇芝龍，使爲己用；先後擊擒李魁奇，蹙鍾斌於大洋投海死，海警遂息（明史紀事本末、明紀）。

二年（一六二九）二月，海盜李魁奇伏誅。魁奇本鄭芝龍同黨，芝龍忌之，擊斬粵中。

四月，廣東副總兵陳廷對約鄭芝龍勦盜。芝龍戰不利，歸閩。不數日，寇大至，犯中左所近港；芝龍又敗，寇夜薄中左所（以上明史紀事本末）。

七月末，吉了警至，人心奔潰。當事汲汲圖近守之策；有以專守閩安鎮爲言者，以此鎮最狹，可設銃墻、設木牌也（崇相集）。

三年（一六三〇），紅夷據澎湖，犯漳、海澄、中左所，入廈門（蔡忠烈年譜）。

四年（一六三一）正月，上召廷臣及各省監司於平臺，問福建布政使吳楊、陸之祺備禦海寇之策（明史紀事本末）。

平遠賊鍾凌秀與弟復秀聚千衆於連子山銅鼓嶂。

二月，賊掠永平寨，殺官軍二百有奇，守備、千百戶、把總皆死。旋札黃峰隘，知府林聯綬調兵禦之；指揮嚴明被執，千戶劉堯、百戶張機不屈死。

賊突出瑞金縣，札南門岡，爲鄉豪張振熙、僧守貞所敗；盡棄輜重，徒手趨還楊家巷。林守懣前敗，不發兵堵截。賊復收殘孽，整隊而出。官兵禦之，指揮王應官、張大倫、把總王國佐、賴思養、賴君遷、曹緯成敗死。次日，巡道顧元鏡復遣指揮章某、百戶張耀接援。章聞敗先竄，張戰死。

九月，督撫熊文燦提兵入汀會勦。時賊舍杭武，徑出廣東，襲始興縣，破之；羽書告急。奉旨，諭熊會讀、廣兩院合勦。熊乃率鄭芝龍親兵駐上杭。

十月，參將鄭芝龍師駐三河壩，督官兵擣賊巢；遇賊於丙村，斬馘三百餘人。次日，賊迎戰，又斬賊三百餘級。陳二總乞降，不許，並斬之，焚其巢而還。

五年（一六三二），鄭芝龍追賊至石窟都。鍾凌秀以賊二百受撫。

二月，鍾凌秀弟復秀叛，招餘黨三百餘，焚掠藍屋驛；復由淥水潭至廻龍岡，焚劫甚酷。巡道顧元鏡遣百戶賴其勦等禦之，戰死。謝志良追兵亦至，戰敗，死者百人。賴明照亦陷陣死。

四月，顧元鏡自上杭率千總劉良機、材官郭之英、陳望正、把總黃基昌、蔡聯芳等往零都、興國，會鄭芝龍兵大勦。

八月，顧元鏡同總兵陳廷對、同知黃色中屯程鄉，搗賊巢（以上臨江彙考）。

九月，海盜劉香老（一但作香）寇福建，巡撫都御史鄒維璉遣游擊鄭芝龍擊破之（明紀）。

十一月，海盜劉香老犯小埕，游擊鄭芝龍擊走之。

六年（一六三三）六月，海盜劉香老犯長樂（以上明鑑會纂）。

紅夷襲陷廈門城，大掠。鄒維璉急發兵水陸並進，參政曾櫻請用鄭芝龍爲軍鋒。芝

龍焚其三舟，官軍傷亦衆。寇乃泛舟大洋，轉掠青港、荊嶼、石灣。巡撫御史路振飛懸千金勸將士；諸將禦之銅山，連戰數日始敗去（明紀）。

七年（一六三四）四月，先是鍾凌秀既降復叛，爲鄭芝龍所擒；其黨潰入長汀，轉掠江西屬邑，芝龍屢敗賊。會福建有紅夷之患，劉香乘之，連犯閩、廣沿海邑。總督兩廣侍郎熊文燦不能討，議招撫。漳州知府施邦曜繫香母以誘賊，賊陽許之；乃令參政洪雲蒸、副使康承祖，參將夏之本、張一傑入賊舟宣諭，雲蒸等俱被執。文燦懼罪，奏諸臣信誠自陷。給事中朱國棟劾之，帝令戴罪自効（明紀）。

八年（一六三五）四月，福建遊擊鄭芝龍合粵兵擊劉香老於田尾遠洋。劉香被執兵備道洪雲蒸出船止兵；大呼曰：『我矢死報國，亟擊勿失！』遂遇害。香老勢盛，自焚溺死。康承祖、夏之本、張一傑脫歸。八月，香老家屬六十餘人、部屬千餘人至黃華降於溫處參軍（明史紀事本末）。

十三年（一六四〇）八月，加福建參將鄭芝龍署總兵。芝龍既俘劉香老，海氛頗息；又以海利交通朝貴，浸以大顯（明史紀事本末）。

十七年（一六四四）三月，督撫張肯堂移鎮漳州。初，十五、六年間，南安、仙遊之賊嘯聚日繁。既而漳南羣盜復起：梁良、賴祿之徒攻城圍邑，馳驟於龍巖、漳平、永定、平和之間，西及汀、贛；崔鷹、鍾亮、華祝、方安之徒奔軼破擄。至是，將軍鄭芝

龍請先趨雲霄取葉、方，廓清浦南之道；然後廻戈，西取梁、賴，南并崔、鍾，使上下援絕。肯堂不從；請芝龍西扼南靖，斷梁、賴之道，出別將取葉、方。鄭既趨南靖，塞山城、五峯諸口，梁、賴諸部皆不得反里舍。別遣洪中軍出雲霄。時方久雨，葉、方日偵師期，將南走并於崔、鍾。鄭已先遣施中軍西走間道，出大埔、普寧，云將搗崔、鍾，陰遣人叅葉、方，使詣降自贖。葉、方相顧，正趨起間，諸部落已漸散去。方安跳身就繫；葉祝率數百衆將從崔鷹，遂爲施中軍所得。於是洪中軍亦出石梯嶺，搜諸洞，擒獲諸部首，而浦南道清。時梁、賴西去圍永定，又進圍龍巖、漳平，焚掠橫甚。鄭欲西上角逐，肯堂不從。亡何，諸賊黨苦野次失其巢穴，不得越南靖，時時就鄭請命。鄭亦佯寬之曰：『爾稔毒勢不俱全，能有所誅夷，自効可耳』。未幾，梁、賴有隙。梁良見勢絀，暴死。賴祿欲自拔，率數千人求見鄭。鄭顧部將當陣擒之，俘馘數千，諸太腦以七宿著號者各反手就縛。不數日，崔鷹亦敗。施中軍所俘馘稱是，生得崔鷹。先後破除諸盜賊十百起，近不踰旬朔、遠不過歲時；所用軍儲不過萬餘耳（黃漳浦集）。

四月，按院陸清源出牌云：『照得謀國不臧，賊遺君父，正主憂臣死之日』云云。人見之愕然。蓋煤山之變，已有密探也（榕城紀聞）。

八月，封鄭芝龍安南伯。

十月，以鄭芝龍爲總兵官，鎮守福建等處（以上甲申日記）。

福王弘光元年（一六四五）二月，芝山靈源閣災。舊識有云：『火燒靈源閣，三山作戰場』；邑人大懼。閩中自此不靖矣（榕城紀聞）。

五月，清使江南御史黃熙胤招撫福建。熙胤，晉江人，與鄭芝龍同里。芝龍密遣使通款（三藩紀事本末）。

六月，唐王監國福京，閏月卽皇帝位（甲申日記作七月），以七月以後爲隆武元年。唐王名聿鍵，小字長壽，太祖子唐定王極之後。崇禎五年襲位，年三十一矣。九年秋八月，京師戒嚴，王率護軍勤王，汝南道周以興制之不聽。至裕州，巡按御史楊繩武以聞，旨下切責；下部議，廢爲庶人，安置鳳陽高牆。十七年三月北都陷，南京福王立，改元弘光，以明年爲元年；唐王赦出高牆，禮臣請復王爵不許。十一月，命徙駐廣西之平樂府。明年（卽弘光元年）五月，行抵杭州，而南都已覆。王勸潞王監國，不聽。時鎮江總兵鄭鴻逵、戶部侍郎何楷、戶部郎中蘇觀生胥會於杭，遂奉王入閩。六月甲戌，次浦城。閏六月癸未，福建各官迎謁於水口驛。南安伯鄭芝龍、禮部尙書黃道周、福建巡撫張肯堂、巡撫御史吳春枝等三箋勸進，王出御用銀一百五十兩令有司葺行宮，勿擾民。丁亥，至福州監國，建行在太廟、社稷。時鄭芝龍擁兵驕悍，鴻逵欲王早正位以繫人心，芝龍猶豫弗決。群臣多言監國名正，建號宜遲；不報。十五日，祭告天地祖宗，卽位南郊，以福建爲福京、福州爲天興府、布政司爲行殿、福州府爲國子監；大赦，稱

號隆武。追尊皇考爲皇帝、妣爲皇后，遙上福王尊號曰聖安皇帝。鴻達封定虜侯，尋晉定國公；芝龍封平虜侯，尋晉平國公；其弟芝豹封澄濟伯，鄭彩永勝伯；並賜號奉天錫運中興宣力定難守正功臣。芝龍部將施天福武毅伯、洪旭忠振伯、林習山忠定伯、張進忠匡伯、陳輝忠靖伯，鴻達部將陳豹忠勇侯、林察輔明侯。以黃道周爲吏部尙書武英殿大學士，蘇觀生爲吏部右侍郎兼東閣大學士，福建巡撫張肯堂爲兵部尙書兼左都御史，何楷爲戶部尙書，四川按察使曹學佺爲禮部尙書兼蘭臺館學士，福建巡按御史吳春枝爲兵部右侍郎兼右副都御史，周應期爲刑部尙書，鄭瑄爲工部尙書，黃錦爲禮部右侍郎。閩設八巡撫。何吾騶、蔣德璟、黃景昉、朱繼祚、林欲楫、姜曰廣、吳甦、高弘圖、路振飛、曾櫻、鄭三俊、熊開元、黃鳴俊、顧錫疇、陳子壯、林增志、李先春、陳洪謐、王錫袞、陳奇瑜等，皆遙授閣輔，戎車轉側至者數人。林增志、李先春先至，同入閣辦事；然不令稟旨，皆王親爲之。王性素儉，少遭患難；既卽位，慨然以復仇雪恥爲務，布衣蔬食，不御酒肉。勅司禮監：行宮不以金玉玩好陳設，器用磁錫；幃幙被褥皆布帛，絕無錦繡。後宮無嬪妃，御執事者三十人而已。中宮懿旨選女厨十人，王聞之，以爲擾民，不許。勤於聽政，批閱章奏，丙夜不休。上書陳言軍國大事者，輒以手詔答之。素好讀書，博通典故，手撰三詔與魯監國書，群臣皆莫能及。重風節，重文學；收召名士，不次擢用。其志欲大有爲於天下，而阨於時勢。感路振飛舊恩，募能致者賞千金，

給五品秩（殘明宰輔年表、南疆繹史、明紀、清白士集、海上見聞錄、榕城紀聞、三藩紀事本末、小腆紀年）。

六月，浙東張國維、朱大典、孫嘉績、方逢年等迎魯王監國紹興。時浙西已降附，清兵方在江楚；吏部侍郎楊廷麟、兵部侍郎萬元吉、國子祭酒劉同升等以義師往來捍禦，克復吉安、臨江等處。遂加廷麟兵部尚書兼東閣大學士，賜劍便宜從事；元吉副都御史，總督江西、湖廣諸軍；以同升爲南贛巡撫。時唐王優禮鄭氏，以閩事屬之。芝龍長子森入見，奇其表，賜國姓，改名成功，命提督禁旅，以駙馬都尉體制從事。芝龍議陳戰守事宜，自仙霞關外當守者計百餘處，應設守兵若干。其戰兵以今冬簡練，明春出關，一出浙東、一出江右，計兵二十餘萬。合閩、粵餉不支一年，仍請於兩稅正供內米一石預借銀一兩，令群臣捐俸，勸紳士輸助，察府縣歷年積穀銀兩未解者悉催赴行在，遣侍郎科道徵發。吏部主事王兆熊兼御史督御餉急迫，不輸者，榜其門曰「不義」；於是閩里騷然矣。芝龍又請清理寺田，可得餉八十萬，王不聽。戶部侍郎李長蘅請廣開事例，從之。無論廝養隸卒，皆得給筭授官。猶苦餉不足，守關兵僅數百人，率疲癯不堪用。設儲賢館，定十二科取士，以蘇觀生領之；已而招徠者多挾邪士，主亦厭罷。王以盜賊之興，皆由貪吏虐民，欲效高皇帝之法懲之。建陽知縣沈燠貪酷被劾，特勅誅之，輔臣申救，不聽；由是人稍知懼。廷臣日請出關，王屢戒在期，芝龍輒以餉絀爲辭。會賜

宴大臣，芝龍自以侯爵欲位首輔上，黃道周爭以祖制武職無班文臣右者，終先道周，芝龍鞅鞅不悅。道周知芝龍無意視師，乃自請出關，號召義旅，且藉以聯何騰蛟圖恢復；王許之。請兵請餉，芝龍皆不應，僅給羸卒千人，賚一月餉，齎空勅數百道而行。時七月辛未也（南疆釋史、清史紀事本末、海上見聞錄、小腆紀年）。

唐王隆武元年（一六四五）八月，幸大學。乙酉，頒祖訓五十七條於閣部科道，大學士林欲楫率諸臣表謝。庚寅，命肅鹵伯黃斌卿出鎮舟山。命吳江諸生孫文中賚手勅召路振飛；及其至，拜太子太保、吏兵二部尚書、文淵閣大學士，官其子太平爲兵部員外郎。壬辰，冊曾妃爲后，贈后父曾文彥爲吉水伯。癸巳，行郊天禮於南郊，芝龍、鴻逵稱疾不從，戶部尚書何楷劾其無人臣禮，宜正厥罪；王喜楷敢言，命掌都察院事。命婦朝后於太和殿。邵武知府吳炆煒、推官朱健聞敵畏葸，棄城先逃，下獄誅。靖江王嘉寧懽號桂林，執巡撫瞿式耜幽之，兩廣總督丁魁楚遣總兵陳邦傳往攻；封魁楚平粵伯，加式耜兵部侍郎。式耜得釋，即令中軍焦璉合邦傳兵擒之，械送福州。行保甲法於天興府。定錦衣衛軍制，設中前後五所，每軍百戶曰一威所，八威所爲一禁軍。時兵事皆掌於鄭氏，芝龍自知衆論不平，不出關無以弭衆，乃請以鴻逵爲大元帥出浙東、彩爲副元帥出江西；各擁兵數千，號數萬。既出關，託候餉，仍駐不行。鴻逵駐仙陽鎮，慮有上書言事者，嚴禁仙霞關不聽四方儒人入。王檄催孔亟，不應。彩行百里而還，稱餉缺，留如故。

九月，清兵取徽州。時李自成兵敗，走九宮山，爲村民鉏擊以死，楚督何騰蛟以聞。其衆無所歸，推其兄子李錦爲主，同自成後妻高氏、高弟一功等乞降；騰蛟與攝撫堵胤錫往受之，一時增兵數十萬。王大喜告廟，進騰蛟大學士，封定興伯；胤錫右副都御史，實授湖北巡撫，總制其軍。降將皆授總兵官；賜李錦名赤心、一功名必正，高氏爲貞義夫人，號其營爲忠貞營。已而糧不繼，降者稍稍散去。高氏十三部就食施州衛，其餘郝搖旗、馬進忠、王進才、張光翠、袁應第、牛萬才、張先璧等十餘營悉隸騰蛟麾下，軍勢頗振。然王內制於鄭氏，不能出關相應援也（以上南疆釋史、榕城紀聞）。

十月，科臣劉中藻頒諭浙東魯王，不受，張國維、熊汝霖等拒之也；自是閩、浙相水火矣。魯行人張煌言自請使閩，從之。原任兵部侍中王期昇、御史彭遇颺至行在，加期昇總督銜、遇颺僉都御史。大學士路振飛、曾櫻封還內傳，謂遇颺依附馬士英，期昇在太湖奉朱盛徵稱通城王，派餉苛虐，不可用；王乃止。楊廷麟疏至，請王幸江右；何騰蛟請駐湖南，浙中諸將請如衢州。王以芝龍不足恃，欲出贛入楚倚騰蛟。會原任臨清知州金堡朝行在，言騰蛟可倚，急宜棄閩幸楚；王大喜，卽擢堡兵科給事中，決計由贛以赴長沙。遣大學士蘇觀生詣南安募兵。戶部尙書何楷請告去。相傳楷與芝龍不合去，至大田驛，忽夜數十人排戶擒毆，去其左耳，未幾死之（南疆釋史、小腆紀年、海東逸史、榕城紀聞）。

十一月甲午，類於上帝，以釣龍臺爲天壇。乙未，禋於太廟。丙午，禡於社稷。丁未，以鄭鴻逵爲御營左先鋒出浙江、鄭彩爲御營右先鋒出江西，駕幸西郊行推轂禮。先爲壇，設先帝高皇帝位。王御翼善冠詣壇所，百官陪位，武臣戎服聽事。王皮弁升壇升謁，立於神位西、南面，御營先鋒北西跪，兵部授鉞，王東向揖之。賜錢，光祿寺授爵，御營先鋒跪受爵。誠勞畢，謝恩出，率將士跪壇下。王甲冑誓師，乃鳴金鼓揚旌而出。當授鉞時，風雨晦冥，大風陡起，壇上燭盡滅，神位皆仆；鴻逵出城，馬蹶踏地，者以爲不祥。下詔親行，以唐王聿劍、鄧王鼎器監國，大學士曾櫻協同芝龍留守。以吳震文爲隨營兵部侍郎、王觀光爲隨營戶部侍郎，皆兼吏戶禮三部事；張家玉、陳履貞爲隨營兵科，亦兼吏戶禮三科事。命曹學佺修思宗實錄，設蘭臺館以處之（同上）。

清授張存仁浙江福建總督（貳臣傳）。

十二月甲申，王戎服登舟，大學士何吾騶等隨行。舟次芋江，五溪百姓壺漿迎者載道，皆賚以銀牌。清佟養和、金聲桓進剿福建，分兵攻南贛，敗永寧王、羅川王、閣部黃道周等。壬寅，道周師至婺源潰，被執。南贛巡撫劉同升卒，命萬元吉兼攝其事（南疆釋史、清世祖實錄）。

是年，清遣內院洪承疇招撫江南、御史黃熙胤招撫福建，皆芝龍鄉人（三藩紀事本末）。

docsriver 文川网
入驻商家 古籍书城

在文川网搜索古籍书城 获取更多电子书

二年（一六四六）正月己酉朔，唐王在建寧，不受朝賀，以三大罪自責，令百官皆戴罪從行。交趾、日本國皆遣使入貢。廣東布政使湯來賀運餉十萬由海道至，擡來賀戶部右侍郎。馬士英叩關求入朝，王數其罪，諭守關將士勿納；士英七疏自理，終不許。魯監國遣柯夏卿、曹維才來聘，王加夏卿兵部尙書、維才光祿寺少卿，手勅謂：「朕無子，王爲皇太姪，同心戮力，共拜孝陵。朕有祚土，終致於王。取浙東所用職官，同列朝籍，不分彼此」。尋遣僉都御史陸清源解餉十萬犒浙東江防諸軍，而浙中相傳閩遣黃鳴駿來科浙中八府糧，蓋士英、阮大鍼構之也。方國安縱兵奪餉，殺清源（案係三月事），而閩、浙釁益深矣。熊開元罷，以蘇觀生兼吏兵二部尙書行在文淵閣大學士，出爲經略，賜上方劍便宜行事；王御門，賜銀印曰「瞻奉南北山陵安集軍民文武官」。召見泉州方士蔡鼎，授爲軍師（南疆繹史、海東逸史、小腆紀年）。

二月，馬脛嶺兵變，命路振飛至浦城安撫之。江楚迎王疏相繼至。詔寬逆案之禁，王曰：「北京陷於東林、南都亡於魏黨，厥罪維均。今中興之初，嘉運蓁新，附黨諸臣，概予洗濯，以收後効」。擢堵胤錫右副都御史，巡撫湖廣。丁亥，大雨雹，風霾晝黑，對面不相見。廣西有僧自稱弘光，召九鄉科道議將迎請，廷臣曰：「卽眞弘光，甫經失國，有尊奉而無迎請」。已而有司審知其僞，下獄誅之。嘉寧俘至，下諸王議，廢爲庶人，以幽死；誅其臣顧奕、吳之琮、楊國威、張龍翼等（同上）。

太子少保、戶部尙書、文淵閣大學士蔣德璟罷（殘明宰相年表）。

林國少保、吏部尙書兼文淵閣大學士路振飛赴浦城安撫兵變；七月督師安關，八月走泉州（同上）。

三月戊申朔，督師大學士黃道周殉節南京；王聞慟哭，輟朝，贈文明伯。王將出汀入贛，與湖南爲聲援；芝龍使軍民數萬人遮道號呼，擁駕不得行。芝龍因具表請回天興，王不得已駐劄延平。封成功爲忠孝伯，掛招討大將軍印。以張肯堂爲留守，旋加少保，總制浙直，給勅印便宜從事。辛未，清兵破吉安，鄭彩棄廣信，奔入關。

四月五日萬壽節，不受賀。未幾，撫州亦破。命禮臣追復建文年號，立方孝孺祠。先是，汀邵間有大帽山峒蠻最強，屢征不服，益宗永寧王慈炎誘之出降，以與清兵戰屢捷，遂復撫州；清兵圍之。鄭彩屯廣信府，永寧王請救；其監軍給事中張家玉以三營往援，圍暫解。已而復合，彩軍潰，撫州遂破；永寧王死之，峒蠻亦散。報至，舉朝震驚，命削彩職，誅罪圖功。廷麟、元吉退守贛州，清兵追攻之。

五月競渡，鄭芝龍率標營官軍於西湖鬪舟，旗幟皆寫「欽命藩王」等目。

琉球國入貢。廷試貢生，取萬刑等十二人，命爲萃士，照庶吉士例送翰林院教習。擢湖廣監軍道章曠爲右僉都御史，巡撫湖北。魯監國遣都督陳謙入閩，久駐衢州持兩端，自云魯已爵爲侯，卻邀封。召赴行在，御史錢邦芭劾其外媾，下獄，將殺之。芝龍與

謙有舊，亟入朝，請以官贖謙死；王故留芝龍久語，密促行刑。芝龍出，已死矣，因厚殮之；由是益懷異志。加吏部尚書郭維經六省督師銜，募兵援贛。贛已被圍兩月，巡撫劉廣胤戰敗受執，援兵皆不敢前。

六月，開科取士。命廣額七十名，流寓者皆入試。以編修劉以修、閔肅爲主考，舉葉瑣等一百七十五名。士子多以賄進，乃命於至公堂覆試，落四名；逮同考推官王三俊下獄，追贖一萬兩。浙東報至，清兵已渡江取紹興，魯監國航海去，江上諸師盡潰。鴻逵駐城外，聞報，乃徒跣而逃，三日抵浦城。事聞，行在大震，削其封爵（以上南疆釋史、小腆紀年、榕城紀聞）。

魯王航海入閩，十二月次中左所，尋改次長垣。

兵部尚書東閣大學士田仰奔閩，封海忠伯；尋迎降。

兵部尚書兼東閣大學士督師防江熊汝霖隨扈魯王入閩（以上殘明宰輔年表）。

七月，元子生，大赦；加恩從典諸臣，悉進爵。御史錢邦芑言：『浙東新破，屠亡齒寒，舉朝正切同仇之日，非蒙恩受賞時也』。不報。己巳，王御門，內侍捧小匣置御前，詔諭羣臣曰：『朕本無利天下心，以勳輔擁戴，不得已勉狗羣策，浣衣糲食，有何人君之樂？乾夕乾惕，恐負重付。豈意諸臣已變初志！昨巡閩之使，得爾等出關迎降書二百餘封，今俱在此。朕不欲知其姓名也，今命錦衣衛焚之午門前。爾諸臣其有名者，

尙洗心滌慮否？倘能竭節奉公，不渝終始，是所望也！王長身豐頤，聲如洪鐘，聞者悚息。時決計幸贛，芝龍百計阻之，欲留王以自重；既而陰通款於洪承疇，託言海寇至，馳還臨安，盡撤關隘，水陸諸兵隨之去。清兵既破浙東，長驅而前，仙霞嶺空無一卒，遂如入無人之境焉。何騰蛟遣郝永忠以鐵騎五千迎駕，將至韶州，清兵已出衢州矣。初，楊文驄走處州，唐王與之有舊，拜爲兵部侍郎，提督軍務；至是援衢，清兵至，不能禦，爲追騎所獲，不降，戮死（南疆釋史、通鑑輯覽）。

八月甲申，清兵克建寧，明兵備僉事倪懋燾死之（小腆紀年）。

甲午，王啓行。監軍錢邦芑先期請清路，猶赫赫頤指屬縣。乙未，駕至行宮，戎冠金蟒而入。上好書，雖崎嶇軍旅，猶載書數十車以從。丁酉，上抵順昌，昧爽未發，至巳刻，一時排闥，云清兵已及劍津，燬關，且踵至。頃之，行宮數騎突出，云駕已在內，從行者惟何吾騶、郭維經、朱繼祚。已而何與郭亦散去。曾后肩輿河干，顧從官曰：『劉宮人有懷，好護持就道』；辭旨慷慨。妃媵狂奔，有一舸而數人者，有一騎而三人者。先是清兵抵仙霞關，守浦城巡按御史鄭爲虹縱民出走，自守空城，與治餉兵科給事黃大鵬、延平知府王士和並被執，死之。至是，王自延平出奔。庚子，入汀州城。辛丑，清兵奄至，有印城稱扈蹕者；開麗春門納之，則追者八十三騎也。守門百戶閔時死之，騎直入行宮，從官迸散，乃執王與曾妃去。總兵福清伯周之藩戰死。妃至九龍潭投水

死，沈嬪、陳嬪及內官死者十餘人。王死於福州（三藩紀事本末、小腆紀年作王與會妃同斬於汀州之府堂）。其殉難之臣有唐王聿劍與弟聿鏞、部郎賴垓、給事中熊緯、御營總兵胡上琛、定遠侯鄧文昌等。或曰代死者爲張致遠，王實未死；後鄭成功兵屯鼓浪嶼，有遣使存問諸臣者云爲僧於五指山，然亦莫必其真僞也。是冬十月，贛州聞王訃，全城氣索。會天霧雨雪，城夜破，督師大學士兵部尙書楊廷麟、戶部尙書姜一洪、兵部侍郎左副都御史江廣總督萬元吉俱赴水死，吏部尙書郭維經、御史姚奇胤入嗟峨寺自焚死，湖西兵備僉事太常卿彭期生自縊死，兵部職方主事周瑚被執不屈戮之，右都御史楊文薦擒至南昌絕粒死，翰林院編修徐復儀投厓死。後聞難繼死者：尙書曹學佺、通政使馬思禮等皆自縊，御史艾南英縊於汀州僧舍，大學士蔣德璟於九月泉州失守不食死。粵中永明王立，遙上尊號曰思文皇帝。丁酉春，復諡曰紹宗襄皇帝（閩事紀略、南疆釋史、清白士集、臨汀彙考、小腆紀年、惲遜菴遺集）。

時大學士何吾騶走廣州，十二月迎降。大學士曾櫻、路振飛走居中左所。大學士黃景昉走泉州。大學士朱繼祚走興化。呂大器奔廣東。熊開元爲僧。太僕寺少卿王瑞枏避山中，有欲薦令出者，自經死。振飛後赴桂王召，卒於途。都督胡獻深與其妾衣冠對坐，飲藥於私第。有趙昂者不肯薙髮，從容刎死於家。先是阮大鍼赴江干乞降，從清兵攻仙霞關，僵朴石上死。馬士英既降，清兵至順昌，搜龍扛得士英等請唐王出關已爲內應

疏，遂斬之延平城下（明紀、殘明宰輔年表）。

福建既平，鄭芝龍自安平奉表降。其子成功慟哭而諫，芝龍不聽。成功與鄭鴻逵、鄭彩等各率所部入海（明紀）。

金壇人王祈聚衆入建寧，屬縣多響應。清總督陳錦、張存仁、侍郎李率泰統兵六萬來圍建寧。永明王使揭重熙赴援，至邵武不能進，建寧遂破，王祈力戰死（惲遜菴遺集）。

十月，桂王監國肇慶府。十一月卽位，以明年爲永曆元年（小腆紀年以爲十一月事）。命太保兵部尙書中樞殿大學士陳子壯節制兩廣、江西、湖廣、福建軍務（殘明宰輔年表、海上見聞錄）。

——錄自福建通紀卷十。

清世祖順治四年（明永曆元年、魯監國二年、海上鄭成功稱隆武三年、一六四七）

正月：先是魯王南奔至石浦，張名振護王航海至舟山，守將王斌卿不納。王浮海至廈門，復入南澳。鄭彩率舟師迎王，王命彩討殺斌卿，封彩建威侯。提督楊耿、彩弟總兵聯皆以兵來會，進彩建國公、名振定西侯，耿同安伯、聯定遠伯、周瑞閩安伯、周鶴芝平彝伯、阮駿蕩湖伯。鶴芝復海口，以參謀林籬舞、總兵趙牧爲守。時尙書張肯堂募兵海上，貽書招之。前僉都御史金衢巡撫劉中藻以衆來歸，授爲兵部尙書兼東閣大學士（南

疆逸史、小腆紀年、殘明宰輔年表)。

魯以劉中藻督師浙閩。魯王次閩安鎮(殘明宰輔年表)。

二月壬申，魯王兵襲海澄。明日，攻漳州不克，總兵陳國祚戰死。又明日，清兵攻海澄，南師退入於海(海東逸史、小腆紀年)。

世祖詔曰：『朕平定中原，惟浙東、福建尙阻聲教，爰命征南六將軍貝勒博洛振旅而前。既定浙東，遂取閩越；先聲所至，窮寇潛遁。大軍掩追，及於汀永，聿劍授首，列郡悉平。一切官民人等從前罪犯，咸赦除之。橫徵逋賦，概與豁免。山林隱逸，各以名聞錄用。民年七十以上，給米絹有差』(清世祖實錄)。

以佟國勳巡撫福建(同上)。

以朱鼎新爲左布政使、趙林翹爲右布政使、楊御蕃爲按察使(東華錄)。

魯王兵克漳浦，以閩人洪有楨爲令；五日復陷(釋史作四月事)。彩至海壇徵派，鄉民不服，彩攻之，被誘深入，失兵將無數，退回，同魯王至廈門。聯糾合浦南橋義兵楊重等入漳浦縣，以洪有楨爲縣令。未幾縣破，有楨被執，不屈，被劓。聯復攻海澄，見敵騎至，卽走爭舟，多墜水死者。平和縣曾慶等與詔安等處義兵立德化王慈華，陷大昌，攻順昌、將樂，然皆爲清兵所敗(海東逸史、南疆繹史、海上見聞錄、小腆紀年)。

案：漳州，逸史作漳平。洪有楨，見聞錄作龔有楨，逸史作洪有文；龔洪音近而誤。同安阮

旻錫夕陽寮稿作有楨字亮士，嘉禾里人。今皆從其多者。

明監國魯王遣兵攻福州，不克；又遣兵攻福清，不克（小腆紀年）。

鄭彩及熊汝霖取福寧州，諸縣響應，遂入興化府。汀邵亂，進據建寧。清陳錦、佟國器、李率泰督兵至，破建寧，並復所失州縣（海上見聞錄）。

初，芝龍密諭成功，欲與俱見貝勒。成功諫，不從；鴻達陰令逸去。芝豹奉母黃氏居安平。成功率所部入海；聞永曆卽位，遙奉年號，稱招討大將軍。有衆三百人，訓練於廈門之鼓浪嶼，委黃愷於安平措餉。識者知其可與有爲，鴻達舊將咸歸心焉。成功以洪政、陳輝爲左右先鋒，楊才、張進爲親丁鎮，郭泰、余寬爲左右鎮，林習山爲樓船鎮，攻海澄。數日，清兵至，洪政中流矢，與監軍楊期演死之；遂退兵入粵。初，清兵下瀘溪，以李光署縣事。邑貢生魏一柱縛光送鄭彩所劓之，畫策守瀘，敗清兵於密潭。至是，王得仁（李自成部將，左夢庚率之投誠江右）族瀘之丁、傅、魏三族。一柱棄妻子走閩，襲破將樂，結德化諸藩攻克建寧。清兵至，圍而攻之，五閱月始破，一柱與諸藩俱死（海上見聞錄、三藩紀事本末）。

三月，魯周鶴芝攻閩安，林質復德化，再攻建陽，敗死（小腆紀年）。

福州府學廩生林化熙全髮被獲，至府學興賢坊口，望拜先聖，見總督張存仁，不屈，坐殺於宣政街（榕城紀聞）。

四月，明岑本高等攻浦城，爲副將李繡敗死（小腆紀年）。

鄭成功復海澄。先是，博洛使人挾鄭芝龍北行，隨親統馬步兵入安平。芝豹倉卒棄城，率家屬登艦泊外海，成功母田川氏獨留守。兵入掠其地，氏拔劍剖腹死。成功聞報，痛哭出師，全軍皆縞素。師至，博洛見帆檣雲集，軍容烜赫，大懼，星夜引兵還泉州；成功遂取海澄，入九都（清史紀事本末）。

鄭西王復建寧，其裨將王祁復邵武。祁營山中，取民間几案數百張，每懸大線香數百炷，黑夜順流，環城而過。守者謂祁兵薄城，砲石大下。遲明，方知其僞。城中習之，不疑。一日，祁突至，遂破（南疆釋史）。

五月，張存仁以周鶴芝據福州鎮東衛並海口民城屢肆剽掠，副將滿進忠等分兵擊下，屠之（東華錄、榕城紀聞）。

海口之下，林籬舞、趙牧死之，周鶴芝退守火燒嶼（南疆釋史）。

六月，魯王兵攻漳州，不克。錢肅樂來覲，授兵部尙書（海東逸史、南疆逸史）。

七月，魯王親征。會鄭彩、周瑞、周鶴芝、阮進之師攻福州，敗績（海東逸史）。義師起，八郡同日發，福州城中約舉火相應。至期，燒鼇峯狀元亭。時天色已亮，遂潰於金雞山，殺舉人林桓聲，傳牌保長三人。牌係義師令也（榕城紀聞）。

浙閩總督張存仁奏莒州洞賊李長蛟，僞軍師王國用、陳泰鐘等陷建寧府，總兵官李

應宗、副將曹允吉死之。鄭彩等亦於是日進口，燒斷漳州江東橋，長泰、海澄、龍溪盡爲彩等出沒之所；餘黨分擊同安、安溪諸處（東華錄）。

八月丙戌，魯王兵陷連江縣治，據之；屯兵北嶺，窺福州，索餉諸縣（南疆釋史、海東逸史、連江志、小腆紀年）。

永寧王長子妃彭氏據九龍砦，糾兵數百人攻歸化；敗，妃奔洋源。初，江西破，妃寓汀州；清兵入關後，避匿永安、貢川間。有潰將范繼宸知而迹之，輸誠焉。繼宸落魄山寺，久之至延祥，自露其事。鄉之無賴遂密迎致妃；以繼宸掌兵事、楊禾兄弟爲前鋒，聚衆數萬人，妃自督之（臨汀彙考）。

鄭鴻逵遣人語鄭成功，安平地褊小，且無險可守；勸之取泉州，願以師助。於是成功至自九都，會師於泉之桃花山。清提督趙國祚（一作佐）率數百騎衝營，成功將張進、楊才迎戰。鴻逵遣林順等夾攻，破之。別遣水兵破溜石礮城，斬清參將解應龍。時在籍御史沈佺期、光祿卿林橋升、主事郭符甲、推官諸葛斌皆舉兵應。守西城將楊義、鄉宦郭必昌之子顯約內應斌，事洩，斌已率兵逼城，全軍覆沒。國祚殺郭顯，滅其家。九月，漳州副將王進率兵來援，泉州圍始解（海上見聞錄、小腆紀年、清史紀事本末）。

十月（小腆紀年作九月），魯王兵攻長樂、永福、閩清，皆下；羅源知縣朱丕承、寧德知縣錢楷皆以城降（海東逸史）。

魯大學士劉中藻起兵攻福寧，鎮將涂登華降。魯王以前尙寶寺卿李向中爲兵部侍郎巡撫福寧（海東逸史、南疆逸史）。

魯兵部右侍郎林汝翥、吏部員外郎林盜起兵攻福清，據海口城；清兵克之，翥、盜被執，不屈死（南疆釋史、海東逸史、福清志）。

十二月，以陳錦總督浙閩（清世祖實錄）。

鄭彩攻福州，副將鄒必科等敗走之（同上）。

五年（明永曆二年、魯監國三年、海上鄭成功稱隆武四年、一六四八）春正月，魯王在閩安鎮（海東逸史、小腆紀年）。

明前大學士朱繼祚起兵，會魯同安伯楊耿襲興化。分巡道彭遇驥，故南都御史也，伺其守將出戰，乃登陴，盡易明幟；守將不敢入，城遂下（海東逸史、小腆紀年）。

原任浙閩總督張存仁奏明宜春王朱議衍自江西入據汀州山寨，總兵官于永綬破其寨，議衍就擒。命誅之（東華錄）。

鄭彩忌熊汝霖，夜遣兵殺之，並其全家及義興侯鄭遵謙（海東逸史、殘明宰輔年表、海上見聞錄）。

彭妃復率范繼宸、廖心明等數千人由石城出禾□□、沙烏村，抵延祥駐焉（臨汀彙考）。

二月，由延祥移營，復出歸化雷澗，參將王夢焜邀擊之，執彭妃。廖心明負妃子走石城，後不知所終。彭妃旋奉旨絞於汀州靈龜廟。妃死日，責數郡邑官，詞義慷慨，毫無懼色（臨汀彙考）。

魯王以錢肅樂爲東閣大學士，力辭弗許。時鄭彩橫專朝政，諸鎮皆惡之。肅樂日中繫艇王舟之次，稟擬章奏；封進後，卽解維別去。每入見，卽流涕不止曰：『朝衣拭淚，昔人所譏，而臣今不能禁！』王亦潸然。江西金聲桓遣部將郭天才援閩，與巡撫佟國籍有隙，遂以兵歸魯王，封爲忠勤伯（南疆釋史）。

官兵復連城、順昌、將樂，擒魯侍郎趙士冕、總兵黃鍾靈等斬之（清世祖實錄、東華錄）。

三月，清兵克興化，明大學士朱繼祚、吏科給事中林岵、興泉道湯芬、知縣都廷諫死之；克永福，里居給事中鄔（勝朝殉節諸臣錄作鄔）正畿、御史林逢經死之；克長樂，里居御史王恩及（小腆紀作王恩）死之；克建寧，明郎西王朱常潮、守將王祁死之，祁巷戰不勝自焚。魯王在閩，先後復三府、一州、二十七縣，溫、台響應，軍聲頗振；至是皆失，僅留寧德、福安二縣（海東逸史、小腆紀年、南疆逸史）。

四月，寧化賊鄒華率邱選合大禾尙等攻本縣，副將高守貴却之。大禾尙，江西明宗室，不知其名；先竄龍上里大坑口，一時響應，聚衆數千。閏三月，遣牌至寧化諭降；

docsriver 文川网
入驻商家 古籍书城

在文川网搜索古籍书城 获取更多电子书

至是與鄒合（臨汀彙考）。

五月，流寇乘江西金聲桓之變，聚衆十數萬逼汀州，總兵于永綬、副將高守貴力禦之；大小數百戰，城中米一石價十六兩、豆麥一石價十兩，饑孳載路。七月，寇退，米價稍平（臨汀彙考）。

鄭成功攻同安，守將王彪、祁光秋出戰。成功遣將甘輝敗之，彪、光秋棄城走；遂取之（三藩紀事本末、清史紀事本末）。

六月，提督劉忠率兵入連江縣平賊（連江志）。

明桂王命少師兼太子太師吏兵二部尙書建極殿大學士姜曰廣督師江西，恢復京湖閩浙（殘明宰輔年表）。

魯王兵部尙書大學士錢肅榮卒。王震悼，輟朝；賜祭，予諡蔭（南疆釋史）。

七月，清帥佟國鼎、李率泰、陳錦合師逼同安，成功部將邱縉、林壯猷守大盈嶺以扼泉師，金作裕守芴溪嶺以扼漳師，知縣葉翼雲督民兵守城。清領旗黃有信率驍騎冲突，縉中流矢，壯猷不支遁入城，作裕聞之亦斂軍回，分門死守。清師曉夜攻擊。八月，城破，縉、壯猷、作裕皆巷戰死。翼雲曰：『今日猶得死於明土，吾輩之幸也！』與教諭陳鼎皆不屈死。清師以城內堅拒不下，屠之，死五萬餘人。初，同安有陳世胃者，緙號泥鰍；聞仙遊羅漢山王志章能刺陰陽事，世稱生閻羅，往候之。志章預置片紙，使童

子授世胄讀之，有「泥鯁死半途，同安血流溝，嘉禾斷人種，安平成平浦」之語，悚然奔告成功；成功妄之。既而，世胄果至小盈嶺暴亡。同安之屠，血流溝渠。是後，凡獲滿兵，輒斷其踵放回，欲以厭「嘉禾斷人種」之讖。嘉禾，廈門舊號也。康熙癸卯，李率泰請棄諸島，安海城竟毀拆，廈門遷空無人者一紀，果斷人種。安平在界外，亦遂成平浦焉（海上見聞錄、小腆紀年）。

朱成功在銅山修船練兵，聞同安告急，整師往救。抵金門，而同安已破。清漳浦守將王起倬謀降事洩，棄家從舊鎮奔銅山。成功以爲總練，使同柯宸樞聯絡銅山等處募兵措餉，詔安縣人林日灼鼓衆拒之；成功令甘輝擊斬日灼，復詔安（小腆紀年、清史紀事本末）。

浙閩總督陳錦奏鄭彩等連鯨千餘，盤踞長樂、連江等縣；陳泰、李率泰分兵夾擊，盡驅出海，長、連二縣次第恢復。又統師直入興化，生擒僞總督顧世臣等十二人斬之。興化平（東華錄、清世祖實錄）。

有粵寇張、黃二姓，不知其名，由永定、上杭出清流屬鄉而抵延祥。楊禾兄弟恃勇與戰，敗死；寇遂出歸化。時又有遊僧僞稱隆武者，愚民信之，亦聚衆數百人。張、黃應之，同犯歸化。歸化堅壁以老之，乃去。至永安，遊僧被誘，殲焉。張、黃獨疑，不入城，宵遁。是時，四鄉皆賊營矣（臨汀彙考）。